



Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCLXXII. ad annum DCCCCIX.

Parisiis, 1644

Epistola CCXCIX. Ioannis Papae VIII. Ad Anselmvm Archiepiscopvm
Mediolanensem. Mediolanensis ecclesiae priuilegia confirmat. hortatur vt
in Romanam ecclesiam sit fidelis. narrat Sarracenorum & ...

urn:nbn:de:hbz:466:1-15967

contumaciter, aut contra Augustalem dignitatem protulerat; sed zelo Dei ductus ad nos inefficax redire nolebat. Postremo Christi cultrix, & Deo amabilis filia, moleste accipimus, cur multoties deprecantes spirituali filiæ nostræ Angelbergæ, nullam per vos potuimus conferre medellam; vt dissoluto exilio ad sanctum Petrum apostolum eam reducere facheremus. Vnde etiam nunc summopere deprecamur, vt pro amore Dei, & nostro, sancta sedes apostolica de hoc honoretur. Et sicut iam dictus Augustus vobiscum pariter repromisit, a captiuitate, qua frustra tenetur, salua & incolmis educatur. Quia postquam nobis, quibus fuerat commendata, & defensioni sancti Petri apostoli protectoris sui commissa, reddita fuerit, nullam de ea sinistram quis habere poterit, crede nobis, suspicionem.

EPISTOLA CCXCIX.

IOANNIS PAPÆ VIII.

AD ANSELMVM ARCHIEPISCOPVM
MEDIOLANENSEM.

Mediolanensis ecclesiæ priuilegia confirmat. hortatur vt in Romanam ecclesiam sit fidelis. narrat Sarracenorum & iniquorum Christianorum iniurias. rogat vt pro ecclesia ad Dominum preces effundat.

Anselmo archiepiscopo sanctæ Mediolanensis ecclesiæ.

PRIVILEGII sane auætoritati ecclesiæ vestræ, eo quo fraternitas tua poposcit modo, pernecessario apostolica fulti moderatione, libenti annuimus animi caritate, simulque optantes vt semper ea, quæ ad animæ tuæ salvationem, tuique gregis custodiam sunt congrua, atque proficia, Spiritus sancti infusione postulare, querere, atque operari...ne desinas. Ut ante tribunal æterni iudicis dignam (gratia suæ misericordiæ cooperante) ratiocinationem positurus, meritum perennis vitæ cum sanctis accipias. Inter hæc dilectionem tuæ fraternitatis hortamur, sanctæ matris vestræ Romanæ ecclesiæ, quæ pro vobis omnibus, vestraque salute vt pote caput pro suis membris laborare non cessat, toto annixu mentis, omnique deuotione fideles existere omnimodis satagatis: quoniam in eius exaltatio-

Concil. Tom. 24.

Xx ij

ne, atque incolumitate, sicut ab initio, erit omnium vestrūm apud Deum & præsens sæculum certa saluatio. Nos enim in hac terra tam Paganorum, quam malignantium Christianorum tantas persecutions patimur, vt has verbis explicare non valeamus. Inter innumerās rapinas, deprædationes, & mala quamplurima, ad augmentum doloris nostri quidam sceleratus Longobardus nomine, homo Vvidonis marchionis, octoginta tres homines cepit: manibus singulis detruncatis apud Narnensem ciuitatem, plures ex tali sunt incisione sine mora perempti. Vnde communi ad Dominum prece supplicamus, vt ille ecclesiam suam sanctam de præsentibus malis eripiat, pro qua vnigenito filio suo non pepercit. Nosque pastorali solitudine baculum in manibus tenentes, lupis rapacibus, Domino protegente, resistere non omittemus. Data mensē Augusto, indictione * XII.

EPISTOLA CCC.

IOANNIS PAPÆ VIII.

AD ROMANVM ARCHIEPISCOPVM
RAVENNATEM.

Præcipit vt Ioannem diaconum benigne excipiat, & res ei ablatas restituat.

Reuerendissimo & sanctissimo Romano archiepiscopo Ravennati.

QVIA non solum tempore ordinationis tuæ, te scriptis & verbis secundum morem, & canonicam sanctionem, sed postmodum saepissime admonere curauimus; quatenus cum filiis, & membris sanctæ tuæ ecclesiæ tranquilla semper mente, & alacri affectione, ceu idoneus pastor existeres: valde miramur dilectionem tuam, monita nostra contemnendo, eis præiudicium, sicut audiimus, & importabiles grauitates inferre minime recusasse. Vnde iterum præsenti apostolatus nostri statuto iubemus fraternitati tuæ, vt huic Ioanni venerabili diacono commendato nostro, qui ad nostram apostolicam sedem confugiens præiudicium a te sibi illatum ferre non valens, nostro se petiit apostolico præsidio adiuuari, & ideo nos solita misericordia moti apostolica tibi benignitate man-